

# КАБР АЗОБИНИНГ БОШЛАНИШИ

15:39 / 28.04.2017 4077

Тарих воқеаларини ўқир эканмиз, баъзи ходисотлардан даҳшатга тушамиз. Лекин диққатроқ назар ташласак, бугунги кунимизда ҳам шунга ўхшаш, ибрат бўладиган воқеалар рўй берар экан. Ана шундай даҳшатли воқеани эътиборингизга ҳавола этамиз.

Тошкент шаҳри имомларидан бири ҳикоя қиласиди: Ҳар доимгидек пешин намозини ўз вақтида ўқиб бўлгач жаноза намозини ўқишга тайёргарлик кўрилди. Майит менга яқин инсонлардан бирининг фарзанди бўлгани боис, уни кўмиш маросимида ҳам қатнашдим. Майитни қабр тепасига олиб келишди. Шу пайт, гўрков мени бир четга чақириб қолди: - Кечирасиз, мен ҳозир сизга бир нарса айтаман, фақат буни майитнинг отаси эшитмасин - у шундай деди-ю, мени пастга - лаҳад ичига тушишимни таклиф қиласиди. Ўлик қўйиладиган хилхонага тушдим, у ерда икки катта илон ўрмалаб юрарди.

Шунда гап нима ҳақда кетаётганини англадим-у, юқорига чиқдим. Ўликнинг отасини бир четга чақириб, ўғлини қабрга ўзим қўйишга рухсат олдим. Боласидан вафотидан ҳали ўзига келмаган ота рози бўлди, лекин ҳали нима воқеа рўй берганини билмади.

Қабр ичига тушдим ва илонларга қаратса шундай дедим: - Биламан, сизлар Аллоҳ таолонинг амри билан келгансиз, биламан, сизлар ҳозир майитни азоблайсизлар. Биламан, бунга ҳеч ким ҳеч қачон тўсқинлик қила олмайди. Ва яна шуни биламанки, сизлар Аллоҳ номини ўртага қўйиб сўрайдиган нарсага қаршилик қилмайсизлар. Илтимос, - дедим илонларга қаратса, - мен ҳозир майитни қабрга қўймоқчиман, уни ерга қўйганимдан кейин нима қилсангизлар ўзларингиз биласиз. Лекин илтимос, қўйиб олгунимча бу ерни бўшатиб турсангизлар! Шу пайти қизиқ ходиса рўй берди. Илонлар менинг кўзим илғамаган, оёғим ёнида турган бир тешикка кира бошлишди. Оёғимни бироз буёқроққа тортмоқчи эдим, кутилмагандан, тешикка бутунлай киришга улгурмаган иккинчи илоннинг думи оёқ кийимимга тегиб кетди. Даҳшат, гарчи озгина силаб қўйган бўлса ҳам, бу илоннинг думи бутун баданимга оғриқ сочиб юборди. Бироз туриб қолдим, чунки оёғим бирданига музлаб қолганди. Жойидан кўтарилемасди. Субҳаналлоҳ, азоб берувчи маҳлуқотларнинг силаб ўтиб кетгани шу бўлса,

биrozdan сўнг қабрга қўйиладиган йигитнинг аҳволи нима бўлади?!  
Хаёлимга келган фикрдан сесканиб кетдим. Оёғимни бир амаллаб кўтариб,  
ташқарига чиқдим. Ўликнинг олдига келдим ва қўзимнинг ёшини отадан,  
оёғим оғриётганини тўпланганлардан беркитишга уриндим. Энг даҳшатли  
томони, ҳозиргина бу дунёга тегишли бўлмаган азобни тортганим учун  
қабр ичига тушгим йўқ эди, аммо маййитнинг отасига ваъда қилиб  
қўйганим боис ноилож ўликни ерга қўйиб чиқдим. Чиқаётганимда юрак  
ютиниб қабр ичига бир қарадим, илон шаклида келган азоб фаришталари  
ўз жойларига чиқишга улгуришганди. 35 ёшли йигитни кўмдик. Кейин  
унинг танишларидан бир амаллаб суриштирудим. Маълум бўлишича, йигит  
тириклигида одамларни алдаб, пулларини талон-тарож қилишни касб  
қилиб олган экан.

... Ушбу ҳикояни тинглаганимдан сўнг, икки масалага бус-буткул жавоб  
олгандек бўлдим. Қабр азоби масаласи хусусида турли ихтилофларга  
бориб юрганлар тарих китобларидан эмас, балки бугунги кундан ҳам  
ўзларига етарли сабоқ олишлари мумкин. Шунингдек, ҳаёти дунёлик  
даврида одамларни алдаб, турли йўллар билан ҳаром мол тўплаётганлар  
ўзларининг қабрдаги ҳолатларини бир тасаввур қилиб кўришсин. Зоро,  
Ҳазрати Усмон (розийаллоҳу анҳу) ҳам қиёмат ва дўзах азоби ҳақида сўз  
борганида кўзларига ёш олмай, қабр азоби ҳақида гап очилганда  
соқоллари хўл бўлиб кетгунга қадар йиғлаган эканлар. У зотдан нима учун  
шундай қилганлиги ҳақида сўралганида жавоб қуидагича бўлган экан:  
"Инсон дўзахга тушганида дўзах азобига бир ўзи йўлиқмайди, унинг  
олдида бошқалар ҳам бўлади. Инсон қиёмат кунида маҳшаргоҳда бир ўзи  
қолмайди, ёнида одамлар бўлади. Аммо қабрда ҳамма алоҳида-алоҳида  
ётади. Мен шуни ўйласам чидай олмайман! Ушбу ҳикоятлардан ўзимизга  
етарли сабоқ олайлик ва бир ўзимизга аталган хонада саломат бўлишимиз  
учун заҳира тўплайлик.